

# THESES THEOLOGICÆ,

QUAS,

CONS. MAX. VENER. FACULT. THEOL.,

STIPENDIARIIS SEMET EXERCENDI MATERIEM

PRÆBITURUS,

EXHIBET

Doct. ANDREAS JOH. LAGUS,

Theol. Prof. P. & O., Eques Imp. Ord. de S:to Wolod.  
in IV Classe.

RESPONDENTE

JOHANNE LUDOVICO RUNEBERG,

Stip. Publ. Ostrob.

VENTILANDÆ

In Auditorio Theolog. d. VII Oct. MDCCCXXVI.

h. a. m. s.

---

ABOÆ, Typis FRENCKELLIORUM.



### *Thesis I.*

**M**orum doctrinam in Philosophicam & Christianam dis-  
pescere solent. Illam leges practicas Rationis, ope ratio-  
nis solius, exponere dicunt, hanc vero normam actionum  
humanarum e revelatione eruere. In quo vero tenendum  
est, quod etiam si historicum examen instituat morum do-  
ctrinæ Christianæ qui incumbat, non tamen empiricæ tan-  
tum veritati disquirendæ, non inveniendo facto solum  
quodam externo illum immorari, neque ergo quid circa  
mores humanos docuerint Sanctissimus Salvator ejusque  
discipuli unice exquirere; sed in detegenda veritate,  
quaæ suapte vi convincat, omnes vires ponere. Et quis  
neget, in Christiana, non minus atque in philosophica  
morum doctrina, non sufficere rhapsodicam præcepto-  
rum coacervationem, sed requiri, ut specialia omnia, ex  
universalibus principiis deducta, in unum referantur &  
confluant? Unde efficitur, non diversam esse posse in  
utraque materiem, neque inter easdem pugnam, quin  
potius cum philosophica amicissime conspirare doctrinam  
morum Christianam.

### *Thes. II.*

Per cogitationem mediatam, reflexionem, ad ipsum  
in nobis immediatum scandere, & quod in sensu plenum  
&

& perfectum lateat, ex peculiaribus vitæ humanæ relationibus concipere conatur philosophia. In iis itaque, quæ mores spectant, ex multiplici experientiæ interioris ad simplicia & originaria naturæ moralis elementa penetrare, atque, componendo, ad prototypon vitæ moralis progredi studet philosophus. Hoc prototypon, per Revelationem nobis datum, efformare non eget theologus. Sensu illud, quale idem, pulchrum & sublime, mirandum sunt Oracula Sacra, primitus quidem excipit pius; at quo eidem vitam componere queat, intellectu utatur necesse est, cujus ope divinum in Christi datum vitæ exemplar per partes quasi resolvens, regulas & principia vitæ humanæ inde expromit.

### *Thef. III.*

Est autem non præceptiva modo, verum et præcipue ascetica Ethice Christiana. Non leges tantum, quibus semet subiectiendum esse, intimo pectore sentit homo liber, ministrat, sed & media, quibus hoc effici poscit, atque incitamenta ad virtutem validissima. Estque educatrix, ut in universum Christianismus omnis, per Verbum Divinum & sacramenta sensum religiosum excitans alensque. Et ultra omnem dubitationem positum esse judicamus, quod Ecclesia, quam plantavit Auctor fidei & Perfector, amoris, sub tormentibus & in ipsa morte explendescens, exemplar, Christus, optimum esse sensus pii & moralitatis gymnasium.

### *Thef. V.*

Pariter atque in innumeris aliis locis Hebraismum redolet Novi Testam:ti dictio, ita & quid Matth. V: 3. significant πτωχοὶ τῶν πνεύματος haud bene intelligi potest, nisi consulto Vet. Testamenti Codice. Messiam restaurato:

rem

rem labantis theocratiæ expectarunt prisci Hebræi probiores,  
pressos semet sentientes non modo ab inimicis externis,  
verum & ab internis adversariis religionis Mosaicæ, & vi-  
tæ, qualis pios decet. Dicitur in Psalmis & Prophetarum  
scriptis ejusmodi bonus civis, sub jugo gemens, עַבְדָּבָן,  
ex vers. LXX πτωχός. Potuit vero sensus infortunii hic,  
atque ei juncta Messiaæ exspectatio, naturæ esse vel sensualis,  
vel spiritualis. Πτωχός τῇ σερπὶ, labantem reipublicæ  
statum conquestus, Messiam exspectavit imperii restitutorum;  
at qui religionis ruinam & moralitatis contemptum  
dolens, Messiam morum reformatorem pia spe amplecte-  
retur, πτωχὸς τῷ πνεῦματι appellatus est. Ejusmodi jam  
πτωχεῖς, qui in sequentibus dicuntur πεινῶντες καὶ διψῶντες  
τὴν δικαιοσύνην, καθάροι τῇ καρδίᾳ & δεδιωγμένοι ἔγκεν δικαιο-  
σύνης, i. c. felices prædicat Sanctissimus Salvator, Lucæ  
IV: 18. (cfr. Jes. LXI: 1.) dicens le venisse, εὐαγγελί-  
σατθαι πτωχοῖς.

---